

Komunicado Imprensa

Aprezentasaun husi Timor-Leste iha Prosesu Konsultivu Tribunal Internasional Direitu Tasi Nian (ITLOS) Kona-ba Alterasaun Klimátika

Iha loron 20 fulan setembro 2023, Timor-Leste komparese iha Tribunal Internasional Direitu Tasi Nian (ITLOS) Kona-ba Alterasaun Klimatika iha Hamburgo, Alemaña, atui tuir prosesu istóriku konaba Pareser Konsultivu konaba Obrigasaun Estadu sira-nian ba Konvensaun Nasoens Unidas nian konaba Direitu Tasi nian (UNCLOS) relasiona ho Alterasaun Klimátika.

Timor-Leste reprezenta liu-husi Chefe Gabinete Primeiru-Ministru nian nudar mós Diretora Ezekutiva Gabinete Fronteiras Terrestres no Marítimas, Sra. Elizabeth Exposto, no Ilustre Konselleiru Jurídico no Eis-Juiz John Middleton, no mós Konselleiro Jurídico Dr. Eran Sthoeger.

“Tasi importante tebes ba ami nia moris. Nudar Estadu ki’ik no insular, Timor-Leste suporta estadu ki’ik sira atu utiliza direitu internasional atu sira nia lian bele rona.

Ita hotu la ós responsável hanesan konaba presau ne’ebe ambiente fo, maibe liu-liu konaba ba tasi sira, ita-hotu sei senti presau sira ne’e,” hato’o Sra. Exposto durante apresentasaun.

Salienta mós katak, intensaun husi governu foun Timor-Leste nian mak atu transforma ninia riku-soin natural, ne’ebe hetan iha rai maran no tasi, ba seguransa alimentar, saúde, produtividade no atu fó oportunidades servisu ba Timoroan sira.

"Timor-Leste fo mós prioridade ba desenvolvimentu Política Ekonomia Azul ba kresimentu sustentável nasional, inklui mós prezervasaun, konservasau, no uza sustentável ami-nian rekursu sira tasi nian, no promosaun inisiativas no programas konaba sustentabilidade ambiente nian, ekonómica no sosial", Sra. Exposto informa tan.

Iha ninia intervensaun, Ilustre Eis-Juiz John Middleton salienta asuntu direitu fundamental importante tolu. Da-huluk mak, Estadu-sira hanesan Timor-Leste, iha direitu atu dezenvolve sira-nian rekursus natural tuir sira-nia direitu atu proteje no prezerva ambiente mariñu nian. Tuir mai segundu, katak Estadus menus-dezenvolidu sira, hanesan Timor-Leste, iha direitu ba desenvolvimentu. Ikus terseiru, ITLOS tenki aplika prinsipiu responsabilidade hanesan, maibe ho ninia diferença, ba obrigasaun sira relevantes ba Estadu sira nian iha UNCLOS nian mahon.

(Kontinua)

Ilustre Eis-Juiz Middleton haktuir tan katak, tuir Artigo 197.º UNCLOS nian, Estadu sira iha dever atu kopera no bainhira formula normas internasional sira ba protesaun ambiente nian, tenki “toma konsiderasaun ba karakteristikas rejional sira”. Hodi nune’e, nasaun sira hanesan Timor-Leste, ho kapasidade sei menus, presiza hetan asistensia husi Estadu Dezenvolvidu sira.

“Komunidade Estadus, la bele husik Estadu sira sei iha dezenvolvimentu nia laran, ba kotuk. Estadus iha dezenvolvimentu merese hetan oportunidade sira ne’ebe Estadus Dezenvolvidu sira hetan atu bele dezenvolve sira-nian rekursu sira atu fo benefisiu ba sira-nia Ema,” afirma tan ilustre Eiz-Juiz Middleton lori naran Timor-Leste.

Diskurso sira kompletu konaba apresentasaun Timor-Leste nian iha ITLOS bele hetan iha tuir mai ne’e:

Chefe Gabinete Primeiru-Ministru nian nudar mós Diretora Ezekutiva Gabinete Fronteiras Terrestres no Marítimas, Sra. Elizabeth Exposto - [Diskursu \(Inglês\)](#)

Ilustre Konselleiru Jurídico e Eis-Juiz John Middleton - [Diskursu \(Inglês\)](#)



Fotografia (husi sorin los ba karuk): Ilustre Konselleiru Jurídico no Eis-Juiz John Middleton, Chefe Gabinete Primeiru-Ministru nian nudar mós Diretora Ezekutiva Gabinete Fronteiras Terrestres no Marítimas, Sra. Elizabeth Exposto, Konselleiru Jurídico Dr. Eran Sthoeger.

Krédito: Foto ITLOS.

Gabinete das Fronteiras Terrestres e Marítimas



Gabinete das Fronteiras Terrestres e Marítimas

1º Andar, Ala Ocidental do Edifício
Palácio do Governo
Avenida Marginal
Dili, Timor-Leste

info@gfm.tl
www.gfm.tl

Conselho para a
Delimitação Definitiva
das Fronteiras
Marítimas



Kréditu: Fotos ITLOS